





## KONXI TRANZISONS DI IDUKASON INFANTIL NA RI





Modi ki ekipas di kuidadu i lider di pais podi promovi un tranzison di susesu pa kriansa di intervenson infantil pa idukason spesial

Na Rhode Island, kriansa i bebes (0-3) ki ten risku di atrazu na dizenvolvimentu podi kualifika pa sirvisus di **Intervenson Infantil (EI)**. Spesialistas EI ta dizenvolvi i sigui un **Planu di Sirvisu Individualizadu pa Familia (IFSP)** ki fazedu pa rizolvi nisisidadis sosial, konportamental i di abilidadi uniku di kriansa. Ku tres anu, tudu kriansa inskritu na EI ta riavaliadu pa disidi si es kualifika pa sirvisus atraves di un **Prugrama di Idukason Individualizadu (IEP)** o un **504 Plan** oras ki es bai pa skola (PreK-12). Uza es feramenta pa djuda familias rizolvi problema durante es tranzison di altu-risku!

PURGUNTAS KUMUN		EKIPAS DI KUIDADU KU INFORMASON PODI PARTILHA	
	<p>“Nha fidju nansi prematuru. E risebi sirvisus di terapia okupasional i di fala di Spesialistas EI desdi nansimentu. E dizenvolvi ku apoju extra i e konsigui alkansa tudu konkistas. <b>Pamodi ki e para di risebi sirvisus na si triseru aniversariu?</b>”</p>		<p><b>Pruvavelmenti e ka konsigui alkansa izijensias altu di elejibilidadi ki kumesa ku 3 anu.</b> Kriansas ku 0-2 anu di idadi ki ten altu risku di atrazu na dizenvolvimentu podi kualifika pa un apoju IFSP pa apoia ses dizenvolvimentu. Sirvisus normalmenti ta inklui dizenvolvimentu infantil, terapia okupasional i di fala i apoju familiar. Na Rhode Island, funsionarius di EI ta kordena es sirvisus ti 3<sup>o</sup> aniversariu di kriansa. Logu ki e fitxa 3 anu, kriansa ten ki alkansa un padron mas altu di elijibilidadi pa kualifika pa sirvisus kontinuadu atraves di un IEP o 504 Plan.</p>
	<p>“Nha fidju di 3 anu ku Autismu pasa idadi di EI, mas inda es ka teni idadi di entra Jardin. <b>Modi ki n podi risebi sirvisus kontinuadu pa ki e ka ritrusedi?</b>”</p>		<p><b>Es podi kualifika pa un idukason infantil spesial IEP.</b> Un kriansa ku 3-6 anu di idadi ki difisiensia ta difikultal na partisipa na pre-skolar o atividadis di jardin podi kualifika pa Idukason Infantil Spesial. Ku 3 anu, EI podi indikas pa ses distritu skolar lokal pa ser avaliadu sobri ses nisisidadis atual. Sirvisus e fetu na un IEP formal, skritu i ri-avaliadu pa un ekipa anualmenti. Sirvisus txeu bes ta inklui mudansas na ambientu o kurikulu, i as vez ta inklui kolokason rezidensial i transporti.</p>



## KONXI TRANZISONS DI IDUKASON INFANTIL NA RI

PURGUNTAS KUMUN	EKIPAS DI KUIDADU KU INFORMASON PODI PARTILHA
<p> “N inskrevi nha fidju di 6 anu ki ten atrazu na fala na Jardin. Nu ta risebeba sirvisus involventi, na kaza tres bes pa simana antis. <b>Modi ki N ta garanti ma e ta risebi apoiu idukasional apropiadu na Jardin?”</b></p>	<p> <b>Tranzison di primera infansia pa apoius na skola podi ser difisil pa familias.</b> Meta ta muda di djuda familia interu a djuda “prugresu na dizenvolvimentu” na kaza pa foka na “prugresu akademiku” na skola. Komu rizultadu, IEPs raramenti ta inklui mesmu nivel di apoiu na kaza, ku bazi na familia pa IFSP. Keli podi ser un mudansa difisil pa familias ki xinti apoiadu pa prestadoris di kuidadu di ses fidju.</p>
<p> “Kantu N inskrevi nha fidju ki ten ADHD na Jardin, skola kria un 504 Plan ki ta abranji tudu si nisisidadi . N obi ma IEPs e midjor. <b>E pa N pidi pa e bai pa IEP nton?”</b></p>	<p> <b>Ta dipendi si 504 Plan dja sta satisfazi nisisidadis individual di kriansa.</b> Maioria di skolas (publiku i privadu) ta izijidu da pesoas ku difisiensia mesmu asesu a ses programmas. 504 Plans as ves ta iziji skolas a fazi ixsesons a ses regras (tenpu extra na un testi o permison di leba un inalador) i muda ses ambienti fiziku (asesu a un rampa o meza spesialisadu). Difensoris ki ta trabadja ku kriansas ki ka ten sirvisus spesifiku, mas ta mestes, podi apoia familias na djudas pidi un avaliason tantu pa un IEP kuantu pa 504 Plan. Keli ta djudas skodji planu ki ta satisfazi midjor tudu nisisidadis di ses fidju.</p>

### RIKURSUS XAVI NA IDUKASON NA RI

- [RI Dept of Education](#)
- [RI Advocacy for Children](#)
- [RI Parent Information Network](#)
- [Disability Rights RI](#)
- [RI Special Education Guide](#)